



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-1-40-431-3/23**

Datum: **21.12.2023. godine**

«Agencija za vodno područje rijeke Save» Sarajevo rješavajući po zahtjevu podnesenom od strane fizičkog lica Skenderović Izolda, za donošenje Rješenja o prethodnoj vodnoj saglasnosti za aktivnost krčenje šume na lokalitetu K.O. Dolac, k.č. 950 i 949/2, na osnovu člana 121. stav 3. Zakona o vodama («Službene novine Federacije BiH, broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK

Odbacuje se zahtjev podnesen od strane fizičkog lica Skenderović Izolda, za aktivnost krčenje šume na zemljištu označenom kao k.č. 950 i 949/2, K.O. Dolac, Općina Novi Grad Sarajevo, zbog nepotpunosti dokumentacije i smatra se kao da isti nije niti podnesen.

Obrazloženje

Fizičko lice, Skenderović Izolda, je dostavilo zahtjev ovoj Agenciji za donošenje rješenja o prethodnoj vodnoj saglasnosti za aktivnost krčenje šume na zemljištu označenom kao k.č. 950 i 949/2, K.O. Dolac, Općina Novi Grad Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-431-2/23 od 24.10.2023. godine u kojem je zatraženo od podnosioca zahtjeva da isti upotpuni u roku od 30 (trideset) dana od dana urednog prijema dostavljene obavijesti slijedećim:

- Mišljenje o usklađenosti planirane aktivnosti sa dokumentima prostornog uređenja izdato od strane organa uprave nadležnog za prostorno planiranje, obzirom da zahtjev za krčenje šuma odnosno za promjenu namjene šumskog zemljišta može podnijeti vlasnik ili koncesionar ukoliko se radi o izgradnji objekata planiranih važećim Planom prostornog uređenja;
 - Studija izrađena od strane ovlaštenog pravnog lica sa liste A, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH", broj 17/08 i 38/12).
- Sadržaj studije propisan je članom 3. stav (1) i (2) Pravilnika o sadržaju, obliku, uvjetima, načinu izdavanja i čuvanja vodnih akata.

U propisanom roku Podnosilac zahtjeva nije dostavio traženu dopunu dokumentacije, kao ni do dana donošenja ovog zaključka.

Uz zahtjev za izdavanje prethodne vodne saglasnosti dostavljena je slijedeća dokumentacija:

- Ovjerena kopija lične karte;
- Kopija katastarskog plana 1:1000 od 20.09.2023. godine, Služba za urbanizam, stambene, imovinsko-pravne, geodetske poslove i katastar nekretnina, broj: 02/04-26-21122/2023-2, Općina Novi Grad Sarajevo (ovjerena kopija);
- Zemljišnoknjižni izvadak, ZK uložak broj: 1376, K.O. Dolac, Općinski sud u Sarajevu (ovjerena kopija);
- Ovjerena kopija legitimacije člana porodice šehida i poginulog borca, broj: 1655.

Obzirom da stranka u ostavljenom roku, odnosno do izdavanja ovog Zaključka, nije izvršila dopunu podneska u skladu sa dopisom broj: UP-1/21-1-40-431-2/23 od 24.10.2023. godine, saglasno članu 121. stav 3. Zakona o vodama («Službene novine Federacije BiH, broj 70/06) i 218. Zakona o upravnom postupku riješeno je kao u dispozitivu zaključka.

POUKA O PRAVNOM LIJEKU:


Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Obradivač akta

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović
Haris Ališehović, dipl.inž.građ.

Dostavljeno:

- Skenderović Izolda, Vladimira Preloga 102, 71000 Sarajevo
- ⊖ AVP Sava, ISV - vodna knjiga - ovdje
- Arhiva - ovdje
- AVP Sava - Oglasna ploča